



Helene Louise Marie Rodier  
Søndre Blekeveien 6  
5018 BERGEN

Referanser:  
Dykkar:  
Vår: 21/2230 - 21/24447

Saksbehandlar:  
Hogne Askeland  
hogne.askeland@alver.kommune.no

Dato:  
13.04.2021

## Løyve til utslepp av avløpsvatn - Minirenseanlegg - gbnr 18/10 Tofft

<b>Administrativt vedtak:</b>	<b>Saknr: 464/21</b>
<b>Byggestad:</b>	Gbnr: 18/10
<b>Tiltakshavar:</b>	Helene Louise Marie Rodier
<b>Ansvarleg søkjar:</b>	Vest Vvs AS
<b>Søknadstype:</b>	Forureiningslova § 11, jf. forureiningsforskrifta § 12-3

### VEDTAK

Med heimel i forureiningslova § 11, forureiningsforskrifta § 12-5 vert det gjeve utsleppsløyve for fritidsbustad på gbnr. 18/10 Tofft på følgjande vilkår:

1. Det skal monterast tilstrekkeleg dimensjonert typegodkjent minirenseanlegg i reinseklasse A. Restutsleppet frå minirenseanlegget skal førast i tett leidning til heilårsresipient som omsøkt og vist på kart.
2. Utsleppet frå eigedomen vert gitt for 5 pe.
3. Det skal til ein kvar tid liggja føre gyldig serviceavtale om drift og vedlikehald av anlegget.
4. Utsleppet skal til ei kvar tid tilfredsstilla krav i Forskrift om begrensning av forurensing, §§ 12-7 til 12-13.
5. Eigedomen skal knytast til offentleg godkjend avlaupsleidning eller anna felleisleidning dersom slike vert ført fram til området og kommunen set krav om det.
6. Tiltaket er søknadspiktig etter Plan- og bygningslova. Søknad om løyve til tiltak må sendast inn av kvalifisert føretak og godkjennast før arbeidet kan setjast i gang.
7. Om anlegget er avhengig av at det må tømast for slam med jamne mellomrom, må avstand til plass med mogelegheit for parkering av tømmebil vere maksimum 100 meter, og botnen av anlegget må då ikkje leggjast lågare enn at løftehøgda til tømmebil (ikkje overstig 8 meter).

**8. Før det vert gjeve ferdigattest/mellombels bruksløyve for avløpsanlegget må det liggje føre stadfesting frå montør, serviceavtale for drift og vedlikehald og koordinatar for plassering av anlegget.**

### **Saka gjeld**

Saka gjeld søknad om utsleppsløyve for fritidsbustad på gbnr. 18/10 Toft.

I søknaden er det opplyst at utsleppet frå eigedommen skal reinsast i biologisk/kjemisk minirensanlegg av typen Biovac FD5N GRP før utsleppet vert ført vidare til bekk med heilårsvassføring.

Storleiken til utsleppet er opplyst til 5 pe.

Det vert elles vist til søknad mottatt 08.03.2021.

### **Planstatus**

Eigedomen ligg i uregulert område innanfor det som i kommuneplanen sin arealdel er definert som eigedom med status som LNF-spreidd fritidsbustad.

### **Nabovarsel**

Tiltaket er nabovarsla i samsvar med forureiningsforskrifta § 12-4 nr. 2.

Det ligg føre slik merknader frå eigar av gnr. 18 bnr. 22 ved brev av 30.01.2021:

Som eier av Stranda 307 g nr. 18 b nr. 22 har vi mottatt nabovarsel den 22.01.2021 om endringer av avløpsvann fra g nr. 18 b nr. 10 og har i den anledning følgende bemerkninger til saken.

Da jeg som eier av g nr. 18 b nr. 22 har jeg min septistank og avløp fra denne til sjø, i umiddelbar nærhet til utløpet fra rensanlegget. Derfor vil jeg ha en skriftlig garanti på at det ikke kommer til noen skade eller hindringer på mitt eksisterende kloakkanlegg.

Ansvarleg søkjar har kommentert nabomerknad ved brev datert 08.03.2021. Ansvarleg søkjar opplyser at:

Det vil ikkje komme skade eller hindringar for gbnr 18/22 sitt eksisterande kloakkanlegg i forbindelse med avløpsrør frå rensanlegg til gbnr 18/10.

Einar Stusdal, for Vest VVS AS



08/03-2021 *Einar Stusdal*

Underskrift

### **Uttale frå anna styresmakt**

Alver kommune har vurdert om saka må sendast på høyring og finn at det ikkje er særlege forhold i denne saka som inneber at saka må sendast på høyring.

### **Plassering**

Plassering og utsleppsstad er vist i kart datert 27.09.2020.

### **Reinseløysing**

Utsleppet skal reinsast i biologisk/kjemisk reinseanlegg av typen Biovac FD5N GRP. Anlegget er godkjend etter NS-EN 12566-3. Anlegget stettar reinsekrava for utsleppsstad i følsamt og normalt område med brukarinteresser, jf. forureiningsforskrifta § 12-8.

### **Drift og vedlikehald**

Det er eit vilkår for utsleppsløyvet at anleggseigar inngår serviceavtale om drift og vedlikehald av anlegget, jf. forureiningsforskriften § 12-13 2.ledd.

Det er lagt ved serviceavtale for drift og vedlikehald av anlegget i søknaden.

Om anlegget er avhengig av at det må tømmast for slam med jamne mellomrom, må avstand til plass med mogelegheit for parkering av tømmebil vere maksimum 100 meter, og botnen av anlegget må då ikkje leggjast lågare enn at løffehøgda til tømmebil (ikkje overstig 8 meter).

### **Privatretslege tilhøve**

Avløpsanlegget er plassert på eigen eigedom, på gbnr. 18/10. Utsleppsleidningen går over gbnr. 18/6 fram til utsleppsstad.

Det ligg føre skriftleg tinglyst avtale datert 11.01.2021 mellom tiltakshavar og eigar av gbnr 18/6 om rett til å føre avløpsleidning fram til bekk og rett til naudsynt vedlikehald av anlegget.

Avtalar om plassering av anlegg og leidningar på privat eigedom og rett til bruk av privat avlaupsleidning skal tinglysast på eigedomane.

### **VURDERING**

Det er ikkje offentleg kloakkanlegg i området.

Søknaden om utsleppsløyve kan etter kommunen si vurdering godkjennast når det vert sett krav til reinsing av utsleppet i biologisk/kjemisk reinseanlegg med utslepp til bekk med heilårsvassføring.

### **Nabomerknad**

Det er kommunens vurdering at nabomerknad er tilstrekkeleg ivaretatt. Ansvarleg søkjar har opplyst at etablering av avløpsleidning skal ikkje komme til skade eller til hinder for gbnr. 18/22 sitt eksisterande kloakkanlegg.

### **Godkjenning etter andre lovverk**

Før arbeidet med etablering av anlegget kan setjast i verk må det søkjast om løyve til tiltak etter plan- og bygningslova. Både søknadsprosess og utføring må takast i vare av eit kvalifisert føretak som kan godkjennast som ansvarshavande innafor ansvarsområdet ansvarleg søkjer, ansvarleg prosjekterande og ansvarleg utførande

Søknad om løyve til etablering av avløpsanlegg etter plan- og bygningslova vert handsama i eige vedtak i saksnr. 21/2241.

### **Mynde**

Saka er handsama og avgjort administrativt i medhald av delegert mynde, jf. kommunelova § 5-3, 3.ledd og gjeldande delegasjonsreglement.

### **Klage**

Enkeltvedtak fatta i medhald av forureiningsforskrifta kapittel 12 kan klagast på til kommunestyret eller særskilt klagenemnd, jf. [forurensningsloven § 85](#) 2.ledd og forureiningsforskrifta § 12-15. For enkeltvedtak fatta av kommunestyret er Statsforvaltaren klageinstans.

Enkeltvedtak fatta i medhald av forureiningsforskrifta kapittel 13 kan klagast på til Statsforvaltaren, jf. forureiningslova § 85 2.ledd og forureiningsforskrifta § 41-5

Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast. Før det kan reisast søksmål om vedtaket er gyldig eller krav om erstatning, må høvet til å klaga på vedtaket vera nytta fullt ut, jf. fvl. § 27b.

### **Ansvar**

Anleggseigar er ansvarleg for at alt arbeid følgjer føresegner gjeve i eller i medhald av forureiningslova og plan- og bygningslova. Om søknaden er i strid med offentlege føresegner, gjeld føresegnene før løyvet. Vedtak etter forureiningslova inneber ikkje avgjerd i privatrettslege tilhøve.

### **Bortfall av løyve**

Er arbeidet med etablering av avløpsanlegget ikkje sett i verk innan tre år etter at løyve er gitt, eller vert arbeidet innstilt i lengre tid enn to år, fell retten til å etablere utsleppet vekk, jf. forureiningsforskrifta § 12-5 4.ledd og § 13-5 4.ledd. Om utslepp framleis er aktuelt må ny søknad sendast inn.

### **Tilsyn, endring og opphøyr av løyvet**

Kommunen er forureiningsstyresmakt og fører tilsyn med at føresegner, lovverk og vedtak fatta i tråd med forureiningsforskrifta kapittel 12 og 13 vert følgd. Forureiningsstyresmakta har rett og plikt til å utføra tilsyn med avlaupsanlegga. Tilsynet vil kunna omfatta kontroll av anlegg si yting/funksjon og kontroll av kvalitet på utført sørvis og vedlikehald. Eigar av anlegget må dekkja kostnader knytt til tilsyn og kontroll, jf. forureiningslova kap.7.

Om utsleppet fører til uventa forureiningsproblem, kan forureiningsstyresmakta oppheve eller endre vilkåra i utsleppsløyvet, setja nye vilkår og om naudsynt kalla tilbake løyvet i samsvar med forureiningslova § 18 og forureiningsforskrifta § 12-14 og § 13-17.

**Ved all vidare kontakt i denne saka, ver venleg og referer til saknr.: 21/2230**

Med vennleg helsing  
Alver kommune

Siril Therese Sylta

Hogne Askeland

